

Sarkina Bt Mat Saad @ Shaari

From: Unit Komunikasi Korporat
Sent: Tuesday, October 30, 2018 11:33 AM
To: UUM - All Staff; UUM - All Students
Subject: "We Love, We Care" Tanda Prihatin UUM Terhadap Mangsa Gempa Bumi Dan Tsunami Di Sulawesi, Indonesia



Unit Komunikasi Korporat
CORPORATE COMMUNICATION UNIT
Universiti Utara Malaysia

30 OKTOBER 2018 / 21 SAFAR 1440H

"UUM : UNIVERSITI PENGURUSAN TERKEMUKA"
(*THE EMINENT MANAGEMENT UNIVERSITY*)

Oleh: Aina Syamimi Che Hasan & Mohd Amir Aizat Sainon
Gambar oleh: Abdul Halim Husain

"WE LOVE, WE CARE" TANDA PRIHATIN UUM TERHADAP MANGSA GEMPA BUMI DAN TSUNAMI DI SULAWESI, INDONESIA



UUM ONLINE: Sebagai tanda prihatin terhadap mangsa gempa bumi dan tsunami di Sulawesi Tengah, Indonesia, Persatuan Pengurusan Hospitaliti (SCOHOST) Pusat Pengajian Pengurusan Pelancongan, Hospitaliti dan Acara (STHEM) Universiti Utara Malaysia (UUM) dan Persatuan Pelajar Indonesia (PPI) UUM melancarkan program "We Love, We Care: Donggala & Palu, Indonesia" bagi membantu mangsa bencana di negara jiran berkenaan.

Pelancaran program ini telah dirasmikan oleh Pengerusi Inapan Siswa (INASIS) UUM, Sharima Ruwaida Abbas mewakili Timbalan Naib Canselor (Hal Ehwal Pelajar dan Alumni) di Dewan Kuliah Gugusan 6/6.

Beliau dalam ucapannya berkata program ini bertujuan memupuk aktiviti amal, semangat kesukarelawanan, membentuk jati diri, menyemarakkan iltizam dan menyemai semangat berganding bahu dalam kalangan mahasiswa untuk menghulurkan bantuan.

"Pelaksanaan program ini secara tidak langsung membuktikan usaha-usaha dalam kalangan mahasiswa yang sentiasa komited dan peka terhadap senario yang berlaku pada masa ini dan sedia memberi pertolongan tanpa mengira agama, kaum, fahaman serta latarbelakang politik," ujarnya.

Menurut beliau, dana yang dikutip melalui program ini akan diserahkan kepada pihak Medical Relief Society Malaysia (MERCY) untuk menjalankan misi membantu mangsa-mangsa di Donggala dan Palu, Indonesia.

Sharima turut berkongsi tentang kegiatan kesukarelawan yang diikutinya melalui MERCY Malaysia.

Sementara itu Presiden PPI, Rinjani Ruby menghargai usaha yang dilakukan oleh warga UUM untuk membantu mangsa-mangsa gempa bumi Sulawesi.

"Masih ramai lagi mangsa gempa bumi dan tsunami di Donggala dan Palu yang belum ditemukan dan dikesan termasuklah keluarga rakan-rakan kami yang menuntut di UUM, sementara operasi mencari mangsa terkorban telahpun dihentikan.

"Inisiatif yang dilaksanakan untuk membantu mangsa-mangsa bencana di Donggala dan Palu ini amat kami hargai dan didahului dengan ucapan ribuan terima kasih.

"Semoga program ini dapat meningkatkan lagi solidariti antara mahasiswa antarabangsa dan tempatan serta menjadi permulaan sinergi yang bermanfaat antara Indonesia dan Malaysia pada masa hadapan," katanya.

Pada 28 September lalu gempa bumi berskala 7.4 magnitud disusuli tsunami melanda Palu dan Donggala di Sulawesi Tengah, Indonesia mengorbankan lebih 2,000 nyawa.



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.